

臨

榆

縣

志

卷

九

臨榆縣志卷之九

建置編上
城池
公署
會所
學校

城池
附冰窖
義冢

嘗聞堪輿家言山海之城甚得地理永不被兵所以明季甲申流寇壓境清兵一至醜類遂逃民國改元雖經兩次戰爭均未蹂躪斯言一出遂覺大有可憑矣豈知固國域民不專在險有斯城之責者仍宜布德施惠以固人心術士之談不必盡信焉耳

縣城高四丈一尺厚二丈周八里百三十七步四尺土築輒包其外門四東曰

鎮東西曰迎恩南曰望洋北曰威遠俱設重鍵水門三居東南西南西北三

隅以洩城中積水
明中山王徐達創衛立渝關始建此城其歷年增修者嘉靖中管關兵部主事呂廕陳綰孫應元萬歷中王邦俊楊

植員外郎邵可立副將劉孔尹清乾隆三年永平府知府梁錫藩十八年失
榆縣知縣鍾和梅二十九知縣袁鯤化道光二十二年海氛不靖城久失

修知府彭玉璽詳委知縣陸爲棣勸捐修整計裏外城牆三百四十餘丈各
一律完固外隍輒城見方六百二十餘丈內隍土城見方三百四十餘丈

門砲樓四座築護城隄二段挖城河一段共工料銀二萬四千五百五
兩餘知府彭捐廉一千兩知縣陸一兩接任知府陳之驥一千兩勸捐二十五

萬餘兩不敷一千餘
兩知縣陸捐廉補足

東門建樓高三丈凡二層上層廣五丈下廣六丈深各半之有額曰天下第一

關明初建嘉靖三十五年主事呂廕萬曆十三年王邦俊三十八年員外郎邵可立清乾隆三年知府梁錫藩十八年知縣鍾和梅二十九年袁

鯤化道光二十二年知府彭玉雲知縣陸為棣光緒五年因字跡模糊附生王治鈞縣趙允祐重修額為明蕭僉事顯書清光緒五年因字跡模糊附生王治鈞縣重刻原額藏樓內保存民國九年知事周嘉琛因此額年久破裂無復舊觀附生楊寶清鈎摹另刻原額存大成殿內保存並勒石以紀其事

明龔用卿鎮東樓詩齊雲結飛閣跨嶺限紅橋積水平河漢憑欄望海潮

蛟龍從變化鵬鶚任扶搖欲借凌風翼翱翔上九霄

明關部楊琚鎮東樓看月詩高樓百尺枕城頭午夜裁詩月滿樓四座彩

輝明似畫一簾香霧冷於秋解圍猶說劉琨嘯乘興應追庾亮遊徙倚欄

杆正懷古金波遙映海東流

明關部尙綱詩十二危欄百尺長倚天傑構鎮邊疆海山南北環千里城

郭高低市四旁入座雲籠村樹渺隔簾風遞野花香太平時節登臨好暴

客重門不用防

明關部尙縉詩試倚危欄趁午涼清風眞可傲羲皇百川逝水歸滄海萬里浮雲隔太行自合笑談揮麈尾肯將歧路泣羊腸飲餘欲奏南薰調鼓角頻催暮鑰忙

明邑人蕭顯詩城上危樓控朔庭百蠻朝貢往來經八窗虛敞堪延月重檻高寒可摘星風鼓怒濤驚海怪雷轟幽谷泣山靈幾迴浩嘯掀髯坐羌笛一聲天外聽

明邑人鄭己詩關橫山海東藩壯樓逼星河北極高陰雨晴雲朝暮變吟風弄月古今豪荒遐俯控來重譯羽檄遙傳謝六韜何處籌邊誇第一熙朝鎖鑰屬兵曹

明關部黃景夔鎮東樓看月詩城角聲催獨倚欄海門斜月轉雲端清輝近水應先得永夜中天正好看風露欲流平野闊星河不動夕烽寒早朝待踏長安路清影疎槐帶馬鞍

明關部陳綰詩樓閣晴陰向晚開海天秋思獨徘徊寒生絕塞砧聲急水

落荒郊雁影來關樹不迷南國望羽書頻見朔風催感時忽訝潘郎鬢作賦應憐王粲才

明順天巡撫曲周一鶚登鎮東樓詩百二金城保障哉翩翩萬雉拂天來樓懸日月扶桑近帳擁春風細柳開三輔雄圖環睥睨五雲佳氣接蓬萊漢家新畫麒麟閣燕市誰登駿馬臺

明薊遼總鎮戚繼光詩樓前風物隔遼西日暮凭欄望欲迷禹貢萬年歸紫極秦城千里靜雕題蓬瀛只在滄波外宮殿遙瞻北斗齊爲問青牛能復度願從仙吏換刀圭

清路帥陳名遠詩云百尺鎮東樓遙臨瀚海秋怒濤吞樂浪大漠接營州月冷閨人夢風高戍士愁獨憐章句友空復羨封侯

邑令周嘉琛重修第一關舊額記臨榆城爲明中山王創衛時建東門樓高三丈凡二層有額曰天下第一關筆力沈雄與形勢相稱遊者相傳爲嚴分宜手蹟考邑志爲邑人明兵科給事中福建按察司僉事蕭顯書顯

爲天順三年舉人成化八年進士詩亦清逸可誦其登城述懷有八窗虛敞堪延月重檻高寒可摘星之句獨怪此額不書年月不留姓字使後之覽者不盡低徊之感余羈吏事暇輒遊觀邑紳楊雨蒼張漱芳諸君以右額縣歷歲時剝蝕可惜爰命匠修整並模建一方於下更囑紀其始末余維望溪方氏頗厭天下名勝輒爲俗士自鐫名字及其詩辭如瘡疥鑿然入人目蕭氏書法適上恥稱其名今乃抱殘訂缺侈述緣起如此何異俗士之務標榜益信古人不可及矣

西門樓與東門樓同制額曰祥霽搏桑清乾隆九年御書明初建嘉靖三十一年主事陳綰萬曆三十九年員

外郎邵可立副將劉孔尹清乾隆三年知府彭玉雲知縣陸爲棣重修

南門樓制同東西額曰吉星普照明嘉靖八年建萬曆三十九年員外郎邵錫

藩十八年知縣鍾和梅二十九年袁鯤化道光二十二年知府王汝霖重修

北門舊有樓今廢明天啟七年建萬曆三十九年員外郎邵可

奎光樓在城東南隅明初建萬曆十五年主事楊植三十九年員外郎邵可

次用堪輿家言改嚮北周圍繚以紅牆或曰乾隆二十九年知縣袁鯤化因邑中少科名改嚮北自此科第遂盛

威遠堂在城東北隅

明初徐中山欲建樓如奎光旋歸京師不果嘉靖四十四年主事孫應元即故址建堂三楹顏曰威遠今廢

臨閭樓接東羅城北隅牧營樓接東羅城南隅均在東城上

明萬曆十二年建為防關屯兵

之所
今廢

新樓在牧營樓南

明天啓六年建今廢

鐘鼓樓在城中央高二丈七尺方五丈穿心四孔上建文昌殿背魁星前左

右鐘鼓

明徐中山建於城中之外北成化七年修萬曆十四年參將谷成功移建於此三十九年員外郎邵可立以堪輿家言去樓上層今因之清

康熙五年管關通判陳天植乾隆八年知縣張楷十九年知縣鍾和梅重修

環城為池深二丈五尺廣五丈周千六百二十丈外為夾池深廣半之瀦水

四時不竭四門各設橋以通往來

中心樓在城中

即鐘鼓樓

清馮時泰山城新修中心樓詩城心又起一高樓畿左雄關益壯猷鼓角日聞寒葉落鐘聲風靖海波收遼陽車馬堅王會薊北山河拱帝州閒上

凌層西向望五雲深處瑞光浮

東羅城傳大城之東關外高二丈三尺厚丈有四寸周五百四十七丈四尺門

一在城東即關門爲東西孔道建樓於上曰服遠水門二角樓二附敵樓七

明萬歷十二年主事王邦俊永平兵備副使成遜建初設三門清康熙四年移關時通判陳天植都司孫枝茂守備王御春重修因塞南北二門即以東門爲關門舊設敵樓今廢

環城爲池周四百有二丈九尺

明山石道范志完春日渡關聞遠鐘并海潮詩渝關西去渡危橋溪水涓

涓月半霄彈指三生俱夢幻鐘聲遙帶五更潮

明儒學韓雄亂關門秋夜詩靜夜蟪蛄響新涼蟋蟀吟三山歸遠夢一葉

助悲心月色淒團扇霜華冷素襟幽人寥落意不待九秋深

清通守陳天植詩云雄關劃内外地險扼長安大海波光闊遙風殺氣寒

疆場百戰後烟火幾家殘塞草連天碧行人不忍看

西羅城傳大城之西關外

明崇禎十六年巡撫朱國棟請建工未畢遇改革中止

門一在城西曰拱宸

城未

建時即有拱宸樓不知何年始建因土築易圯明萬歷二十四年副將楊元改用輒石副將蘭登瀛增置旁房一區於樓下後即以樓作城西門舊有南包東門今僅存其基南門俗呼為小南門清咸豐十年僧忠親王派員環北里餘由西羅城小西關挑空戰濠二十餘里西羅城原係土城茲復築土垣六北水門止又於各處輒城之坍塌者皆修整

南關在城南門外僻處一隅人烟稀少自清光緒十九年設立車站居民鋪戶

漸次繁興以後日積月增遂立集市刻下造橋廠電報局均移於此鋪戶數百家居民數千家穀擊肩摩大有蓬蓬氣象菁華所萃洵稱繁盛之區也

北翼城又名北新城在邊城北水關北高二丈有奇周三百七十七丈四尺九

寸門二居南北二方

南翼城又名南新城在邊城南水關南制同北翼城

俱明巡撫楊嗣昌建今廢

寧海城在南海老龍頭北周一里有奇高二丈有奇門二居西北二方

明巡撫楊嗣昌

建為龍武營清光緒二十六年英國駐兵於此

澄海樓在甯海城老龍頭上一名知聖高三丈廣二丈六尺深丈有八尺

明兵部主

判事王致中因觀海亭建清康熙九年通判陳天植乾隆八年知縣張楷重修

樓東有碑題曰一勺之多

明海運同

應知河東王 又有知聖樓碑一通字跡漫漶以手摹之僅得其似其初建樓上應豫立年無考

有匾曰雄襟萬里明大學士孫承宗題 又有一匾曰元氣混茫聯曰日曜月華從太始

天容海色本澄清清乾隆八年御書 又有一匾曰澄海樓乾隆四十年御書 樓前建碑亭樓

壁鑲臥碑乾隆十九年知縣鍾和梅建上鐫清帝諸詩光緒二年永平府知府游智開勸捐委知縣趙允祐重修樓亭將當年石刻仍照舊式

鑲嵌二十六年毀於洋兵遂廢

清聖祖澄海樓序山海關澄海樓舊所謂關城堡也直峙海濱城根皆以

鐵釜爲基過其下者覆釜歷歷在目不知其幾千萬也京口之鐵甕徒虛

語耳考之志冊僅載關城爲明洪武年所建而基趾未詳築於何時蓋城

臨海衝濤水激射非木石所能久固昔人巧出此想較之鎔鐵屑炭更爲

奇矣

清關廳陳天植重修澄海樓記史記秦皇帝築長城大發天下丁男起臨

洮至遼海延袤萬有餘里以爲長治久安策無踰此詎蒙恬之役方罷而

孺子嬰已啣璧迎沛公嗚呼險亦安足恃哉由漢晉以迄宋元更姓改物

不知經歷幾朝然代有修築故明徐中山王守燕依山阻海規方度勢即元遷民鎮拓而城之建關設衛領千戶所十置官軍萬人屯田其地名曰山海關其亦趙充國屯守金城意乎迨至中葉中外岌岌多事於是重兵宿將風屯雲擾關門遂爲邊疆要地焉甲申賊破都城橫肆屠戮我大清世祖章皇帝爰整六師入關合關遼兩鎮兵殲賊於石河之西乃定鼎燕京期年之間南北渾一六合之內罔不臣服關城爲向化首區且其地東通奉天西連畿輔屹然稱中腹重鎮因設章京爲城守計用專譏察向來越邊者出入靡禁當事者患之遂謀修葺邊牆今上龍飛改元之七年詔下大司農議發內府金錢二萬五千有奇築修坍塌督撫行令北平觀察使錢公督其事公因檄下山海廳路衛分監厥工予因是與路衛兩君昕夕僕僕於山榛水湄間長城之杪又甃石爲壘截入海中高可三丈許長且數倍曰老龍頭此則故明將軍戚繼光所築濤摧波撼日就傾敝又城之上有樓三楹爲明職方王致中所建亦頽敗不可登予與兩君監視城

工坐其下時有戒心嘗共嘆曰危哉斯樓不蚤爲葺行將化爲冷風宕烟
矣十閱月城工告竣會路帥孫君以病去予宗殿揚君以廷試第三人奉
天子命來鎮是關時時閱武海上每至斯樓慨然有重修意過而問之予
予曰是役也固予之夙心也矧又有守土之責乎按舊志形家言關城勢
如飛鳳左右羅城爲兩翼樓臺高峙海涯厥象首若就圮顧可令鳳之首
俯而不舉乎因集關之士大夫與子衿耆老僉爲謀咸稱善且曰聚腋成
裘聚土成邱斯樓之修要非一手足之力皆樂捐金共勸其勝予又與路
衛兩君董厥成焉工始於仲夏落成於仲秋衆因請予爲記予不敢以不
文辭因思昔人蘭亭岳陽竹樓亦各有記以識景物若斯樓也面臨巨壑
背負大山高枕長城之上波澄萬里嶂疊千重又豈區區彭蠡洞庭會稽
山陰諸勝足媲其雄深哉仍其舊顏曰澄海繹斯義也海不揚波有聖人
出職方題名或以是歟方今聖天子臨御萬方東鯁西鰈測水來王烏弋
黃皮望風受隸以名澄海豈虛語哉若夫爲翰爲屏爲鎖爲鑰於以鞏固

雄關奠安海寓是在朝廷之得人又不徒恃此長城之固與斯樓之壯也
矣予願後之君子登斯樓也振叔子之輕裘舒庾公之清嘯當念關之人
士修葺艱難捐助美善加意拊循勤思保障庶不負予勒銘而記之意

明李學詩觀海亭詩迢遞關東道留連海上亭片雲迴島嶼孤鶴下山城
浪漫濠梁意風流斗酒情浩歌看落日塵世一浮萍

又詩攬勝同驄馬停杯看午潮天空水色合風定浪花消日月雙丸轉乾
坤一葉搖桑田今幾變感慨意蕭蕭

明朱之蕃詩秦城萬里俯遐荒攬勝都忘在異鄉坐待潮生宜日永還從
海闊信天長塞鴻斜度飛禽寂珍錯旋添牡蠣香賓主不須辭盡醉詠歸
堪繼舞雩狂

明葛守禮詩亭畔邀嘉客凌虛興復清游魚分小隊野鶴導先旌雲出山
含雨潮來水漑城且開滄海罟何處覓長生

明蔡可賢詩城頭望海海潮生白浪乘風撼塞城漢使不來槎自轉秦皇

已去石還驚桑田反覆千年事雲水蒼茫萬里情此日流觴須盡興當時採藥竟何成

明戚繼光詩曾經澤國鯨鯢息更倚邊城氛祲消春入漢關三月雨風吹秦島五更潮但從使者傳封事莫向將軍問賜貂故里蒼茫看不極松楸何處夢魂遙

明張時顯詩滄溟極目水連雲秋色遙看已半分潮擁高城浮蜃氣劍橫絕塞閃龍文晚風落日秦王島夜月飛濤姜女墳萬里靈槎無計借乘閒且自狎鷗羣

明朱國梓詩戍樓盡處接危樓一檻凌空萬象收雲水迷離潮汐古滄桑泡幻見聞愁平時遊覽多忘返今日相逢怕遇秋破浪乘風乏舟楫安能歌嘯不持甌

明周體觀詩祖龍鞭石神蛟怒喝喉橫洋傾北注九點煙州天盡頭丸泥封隘不封愁踏斷秦城迴雁影戍樓直取滄溟枕馮夷起舞聞風寒誰伐

鼉鼓沸狂瀾折蘆欲淩碧波去自恨凡骨沈於石檣可楫兮松可舟員嶠
如何不可遊邈邈余懷望仙子東拜貞娘能不死借問隴西李細眉一泓
水瀉幽夢時而今白玉樓中看俯身下視看不見

明遼東兵備廬龍韓原善登知聖樓爲王海若司馬賦蓬萊咫尺望中移
員嶠風來吹鬢絲煙淨玉門閒虎豹浪翻銀屋隱蛟螭瓊沙雪霽冰初泮
繡陌春回柳未窺不信邊頭多氣色雄關新簡丈人師

其二習習天風動客衣登樓把酒送斜暉眸隨雪浪翻青海夢逐春風入
紫微十載浮沈肝膽是半生潦倒鬢毛非樽前幸預鱸魚會不到秋風已
賦歸

清聖祖澄海樓詩危樓千尺壓洪荒騁目雲霞入渺茫吞吐百川歸領袖
往來萬國奉梯航波濤滾滾乾坤大星宿煌煌日月光閬苑蓬壺何處是
豈貪漢武覓神方

清世宗澄海樓詩觀海登樓日未斜晴空萬里淨雲霞纔經一陣風過檻

倏起千堆雪捲花貝闕鼇峯如可接鵬津蛟室豈終遐詭詞未許張融賦
到此方知語不誇

又詩極目瞻滄海涵泓無所從量包天地外色染古今容浪起思鯤化雲
飛羨鶴蹤坐觀淵默裏萬派自朝宗

又詩凌霄傑閣聳層樓碧海蒼茫遠望收混一乾坤雲水闊濯磨日月浪
花浮百川輸委盈襟帶萬類涵濡任泳游聞道此中覃帝澤幾曾汪濊有
停流

又詩朱欄畫棟最高樓海色天容萬象收海底魚龍應變化天中雲雨每
蒸浮無波不具全潮勢此日眞成廣漢游仙客釣鼇非我意憑軒惟是美
安流

清高宗澄海樓詩輾轉金軒展祀旋偶臨傑閣眺淵濶漫言此後難爲水
試看當前不辨天秦帝關存終失鹿漢皇舟阻未成仙擬激坎部留吟句
只恐雕龍讓廣川

又詩我有一勺水瀉爲東滄溟無今亦無古不減亦不盈臘雪難爲白秋
旻差共青百川歸茹納習坎惟心亨卻笑祖龍癡鞭石求蓬瀛誰能忘天
倪與汝共濯清

又詩包括乾坤轉復旋齋齋孰得測濛濛憑樓有興重斯日浮渤無邊接
遠天誰見滄桑經變幻虛傳壺嶠隱神仙俯臨惟美廓然量何以從容納
百川

又詩拾級登岑樓復此俯巨溟寒暑幻冬夏日月浴虧盈界嶼光並耀際
天色同青最鉅斯絕類守信故永亨蹄涔易致涸注茲恒爲瀛涇渭誠小
哉徒分濁與清

又詩又自陪都轉旆旋城樓拾級望溶溶今來古往祇一水漢蹟秦顛無
二天木几聊因閒詠句徐舡何必遠求仙卻緣悟得湯湯者納自諸河及
小川

又詩秦皇心實侈築城騎洪溟田句語固誕茲存里誠盈是果何爲乎水